

“ brachiis suis *púgas* arbores amplectuntur, ubi *santali* arbores *elarum*
 “ brachiis cinguntur, et *tamálarum* folia sparsa jacent.

65. “ Hujus principis membra loti instar cærulea sunt, atque tenerum
 “ tuum corpus *rochanæ* unguenti instar flavum; quare vobis, sicut
 “ fulguri et nubi, sit conjunctio, ad utriusque pulchritudinem augen-
 “ dam.”

66. Sed consilium illius locum non invenit in animo *Vidarbhæ* regis
 sororis, sicut lunæ radii in nymphæa, quæ non nisi sole conspecto flores
 aperit.

67. Quemcunque regem puella maritum electura præteriit, sicut
 noctu trepidans facis flamma, is ædificii in via regia instar in caliginem
 recessit.

68. Puella adstante, *RAGHUIS* filius incertus erat: “ eligetne me, an
 “ non?” sed dexterum ejus brachium, ea parte qua armilla cinctum est
 tremens, dubium ejus dispulit.

69. Puella, postquam ad illum in toto corpore labis expertem pervenit,
 alios reges adire cessavit: etenim apum examen, floridam *sahakáram*
 aggressum, non amplius aliam arborem desiderat.

70. *SUNANDA*, *INDUMATIM*, lunæ instar splendentem, in illo animum
 fixisse videns, ordinis gnara, abundantem hunc sermonem edere aggressa
 est:

71. “ Fuit ex *IKSHVÁKUIS* familia oriundus *KAKUTSTHAS* rex, virtutibus
 “ suis insignis, regum excelsissimus; a quo *Kosalæ* septentrionalis prin-
 “ cipes magnanimi nobile *KAKUTSTHIDARUM* nomen gerunt.

72. “ Ille *Mahendram* montem, magno tauro similem, ascendens, in
 “ prælio *SIVÆ* velocitatem adeptus, sagittis suis *Asurorum* uxorum genas
 “ unguento vacuas fecit.

73. “ Idem sua armilla *INDRÆ* armillam, *AIRÁVATÆ* ictibus flaccidam,
 “ tangens, dimidia parte solii ejusdem dei, vel formam suam principem
 “ ingressi, potitus est.

74. “ In ejus stirpe natus fuit *DILÍPAS* rex, stirpis suæ lux, magna